



ERDI MAILAKO HEZIKETA ZIKLOETAN SARTZEKO PROBA

19/2008 EBAZPENA, otsailaren 1ekoa

“SOZIOLINGUISTIKA ARLOA”

Arloko azken kalifikazioa bi arloetan lorturiko notaren batez besteko aritmetikoa izanen da, bi dezimalekin.

**HIZKUNTZA
KALIFIKAZIOA**

ABIZENAK:

IZENA:

NAN:



(gehienez ere 10)

Iraupena: ordu 1

Errealitate gordinak dio bost urteko Mari Luz Cortés neskatikoa hilik dagoela. Auzitegiko medikuaren eta Poliziaren ikerketek laster esanen dute nola hil den. Ustezko hiltzailea den Santiago del Valle preso dago jadanik. Beranduegi Mari Luzendako. Egun oroz ateratzen dira gizaseme honen –buruko nahaste ertaina du- ibileren gaineko datu berriak, **denak ere pederastiari loturiko delituen ingurukoak.** 2002an sexualki behartu zuen bere alaba bera –bost urte zituen, Mari Luzek bezala-, eta Sevillako epaitegi batek 21 hilabeteko kartzela zigorra ezarri zion. 2004an, beste epaile batek bi urteko zigorra ezarri zion bederatzi urteko neskati bat behartzeagatik neskaren etxeko eskaileran. Eta 2006an 13 urteko neska bat sexualki jazartzeagatik atxilotua izan zen. Santiago del Valle aske zegoen, lau urte eta bederatzi hilabeteko kartzela zigorra bazuen ere. . **Gauza jakina da norbaitek azalpenak eman beharko dituela eta erantzukizunak hartu beharko dituela** –eta hori gutxi balitz, inplikaturiko epaileak zabarkeriaren errua orain langile baten laneko bajari egotzi dio- eskandaluzkoa den hutsegite judizial honengatik. Eta ez du deusetarako balio kasu honetan Justiziak izan duen funtzionamendu txarraren gaineko arreta desbideratzen saiatzeak, eztabaida faltsuak sustatuz. Hori egin du Botere Judizialaren Kontseilu Nagusiko eledun Enrique López-ek, **gizartean dagoen sumindura abagunea baliatu baitu Kode Penalaren erreforma planteatzeko,** horrela, bertan delitu jakin batzuetarako biziarteko kartzela zigorra txertatzeko. *Legea eta Ordena* eskema zaharra ez da oro. Beste gauza bat da eztabaida irekitzea gizarteari bermatzeko jarduera penalez gain, gizarte eta hezkuntza mailako jarduerak ezarriko direla erasoak behin eta berriz egiten dituenari behar den moduko eragozpenak jartzeko, eskubideen eta betebeharren eremuan atzerakada demokratikorik eragin gabe. Eta horrekin batera, eztabaida zabaltzea Mari Luzen ustezko hiltzailearen kasua bezalakoekin Justiziak eta Poliziak ematen duten segurtasun mailarekiko herritarrek dituzten zalantzak uxatzeko.

Diario de Noticias 2008-03-29



Garatu beharreko gaiak:

- 1.- Aipa ezazu zer duen testuak. Arrazoitu erantzuna.2 puntu
- 2.- Egin ezazu testuaren laburpena. Gehienez ere bost edo sei lerro.....2 puntu
- 3.- Jar iezaiozu izenburu bat artikuluari.....0,5 puntu
- 4.- Idatz ezazu testuan azpimarraturiko lau esaldien esanahia.....2 puntu
- 5.- Egin ezazu iruzkin pertsonal bat gaiaren gainean. Gutxienez ere 8 lerrokoa...2 puntu
- 6.- Idazmena.1,5 puntu



GIZARTE ZIENTZIAK, GEOGRAFIA ETA

HISTORIA

SAILKAPENA

ABIZENAK:

IZENA:

NAN:



(gehienez ere 10)

Iraupena: ordu 1

Probak gizarte zientzietako 3 galdera, geografiako 3 eta historiako 4 ditu.

KALIFIKAZIO IRIZPIDEAK: ongi erantzundako galdera bakoitzak puntu 1

1. 17 autonomia erkidego eta bi hiri autonomo daude. Izenda itzazu probintzia askotako lau autonomia erkidego eta probintzia bakarreko beste lau.
2. Izenda itzazu Europar Batasuneko bi erakunde eta aipatu beraien eginkizuna eta osaera.
3. Adierazi zeintzuk diren Nafarroako gaur eguneko biztanleriaren egituraren ezaugarri nagusiak, adinaren eta jarduera ekonomikoen arabera.
4. aipa itzazu isurialde atlantikoko bi ibai, kantaauriar isurialdeko bi eta isurialde mediterraneoko beste bi.
5. Azal ezazu, laburki, zeintzuk diren klima mediterraneoaren ezaugarriak Espainian.
6. Deskriba ezazu, modu orokortuan, nolakoa den Nafarroako erliebea.
7. Zer defendatzen du liberalismo ekonomikoak?
8. Azal ezazu zeintzuk ziren langileen lau arazo nagusiak iraultza industrialen garaian.
9. Zer esan nahi du Gerra Hotza kontzeptuak? Eta sistema bipolarrak?
10. Zein sistema politiko eta ekonomiko defendatzen du Estatu Batuen gidaritzapeko bloke mendebaldarrak eta zein SESBen gidaritzapeko ekialdeko blokeak?